

“Aen Ci Cangqheiq” Haeuj Gunghcwngz Vih Boubxien Dadawzmueg Gungzhoj Soengq Rongh

“健康快车”为恭城贫困白内障患者送光明

Ndwen 8 ngoenz 9 hauh, “aen ci cangqheiq” dadawzmueg Gveilinz Si Daihngeih Yinminz Yihiyen daengz Gunghcwngz Yauzcuz Swciyen Sihlingj Cin veiswngghyen, vih boubx ngeizlumj baenz dadawzmueg guh genjleh cazyawj, ginggvaq genjcaz yenjgoh、neigoh、hezayaz、hez dangz daengj hanghmoeg. Ngoenzhaenx gungh genjleh cazyawj le 100 lai boubx ngeizlumj baenz dadawzmueg daj Sihlingj Cin、Gyahvei Cin、Lungzhuj Yangh daeuj haenx, ndaej daengz vunzlai dangdieg haenhndei.

Ciuq cam rox, boubxbingh hab diuzgienh genjleh cazyawj yaek youq bineix ndwen 10 daengz 12, youq Gveilinz Si Daihngeih Yinminz Yihiyen Bwzyen guh soujsuz mbouj aen cienz. “Aen ci cangqheiq” hanghmoeg dwg aen hanghmoeg goeng’ik leih beksingq veiswnggh bangfuz guekgya gaep, youz Aen Cungsime Gozci Doxgyau Caeuq Doxgap Guekgya Veiswnggh Giswngghvej bangbanh haenx, dwg Gveilinz Si vih beksingq leih beksingq gunghcwngz hanghmoeg ndawde aen

nde, bi 2010、bi 2014 “aen ci cangqheiq” haeuj Gveilinz, guh soujsuz dauq raenrongh hawj 2450 boubx boubxbingh dadawzmueg, hawj gyoengqde yawjraen rongh dauq, bineix dwg “aen ci cangqheiq” baez daihsam haeuj Gveilinz, dajveh yaek vih 1000 boubx boubxbingh dadawzmueg gungzhoj guh soujsuz dauq raenrongh mbouj aeu cienz.

(Liengz Vei/梁辉 Cangh Linz/张琳)



▲ Canghyw cazyawj da boubxbingh.



▲ Canghyw rau hezyaz hawj gyoengqvunz daeuj yawj bingh.



▲ Bohranz buenx lwg bae banh soujsuz ciqcienz.

Cienzeiq Banghag Bang Lwghag Mbanjbya Mulauj Hwnj Daihhag

罗城：助学贷款助力仵佬山乡贫困学子圆梦大学

Ndwen 8 ngoenz 10, youq Aen Cungsime Guenleix Bangcienz Hagseng Gyauiyuzgiz Lozcwngz Mulajcuz Swciyen, bohranz buenx hagseng bae banhleix soujsuz ciqcienz banghag saenqyung dieghagseng. Seizneix mbawsaw dunghcih loegaue gauhgauj laebdaeb fatcuengq, gyauiyuz bumwnz aen yienh neix haenqrengz doidoengh dieghagseng ciqcienz banghag leih beksingq gunghcwngz, gibseiz vih daihhagseng ranz hojndoq banhleix cienzeiq banghag, bang gyoengqde ndaej swnhleih haeuj hag.

Bineix dwg Guengjsae cienzmienh hwnjlaeb aen dihi bangcienz hagseng cib hopbi, daengx gih gaenq laebhwnj aen dihi bangcienz hagseng caezcienz, youq gak duenh hagsib saedyienh le “cienzbouh cwgoemq、mbouj miz luengq doxrangh”. Cib bi daeuj, Guengjsae gyoebseueng bangcienz hagseng hojndoq 2560.78 fanh vunzbaez, bangcienz ngaenzcienz daengz 436.71 ik maenz.

(Mungz Cwnghsw/蒙增师)

Mungzsanh Yen Hainduj Aen Hozdung Goeng’ik Bangfuz

蒙山县启动公益扶贫活动

Ndwen 8 ngoenz 11 hauh, Mungzsanh Yen banh aen yizsi hainduj hozdung goeng’ik bangfuz “dangjen daiqdaeuz densi haeuj fanh ranz”, caeuq Guengjsae Cvangjden Vangjloz Gunghsw、Cang’vez Gizdonz fwnhgungshw Guengjsae daengj giyez, haiguh hozdung goeng’ik bangfuz “dangjen daiqdaeuz densi haeuj fanh ranz”, gien ok 100 aen denfunghsan daengzdieg caeuq mbaw gajleihminz dij 800 fanh maenz, yung fuengsik nyienh leih hawj vunzlai souhaeuj noix haenx yiengjsouh cawx gyahden miz youhvei. Ndwen 8 ngoenz 25 daengz 26, vunzlai baengh mbaw gajleihminz bangbouj ndaej yiengjsouh moix aen densigih gemj 500 maenz、binghsiengh gemj 400 maenz、gunghdiuz caeuq sijyihgih gemj 300 maenz, caemhcai miz leih minz cwngecwz susw densi ancang bangbouj、habyungz sam muengx boiq hawj ndwi dem.



▲ Hainduj yizsi yienhciegz.

(Gvanh Sinh/关新 Moz Hinghvang/莫兴旺)

Byanouq Ndae Lai Doxdax Gaeb Bya

泥鳅丰收 捉鱼比赛



▲ Vunzlai doxdax gaeb byanouq.

Ndwen 8 ngoenz 8, Luzcai Yen Caisah Cin Gujmu Cunn Mbanjbanjli banh ciengz doxdax gaeb bya hoh fungsou ndeu. Geij bi neix daeuj, aen mbanj neix haenqrengz diuzcingj gezgou dajndaem dajciengx, yung 70 moux naz cienmonz dajciengx byanouq, moix moux sou ndaej byanouq daengz 1000 goenggaen, goenggaen byanouq gyaqcienz gaibued 26 maenz, moix moux sou ndaej byanouq haemq lai.

Bineix daeuj, vunzlai aen mbanj neix youh youq ndaw naz ciengx byanouq. Ciuq gujsueng, moix moux naz ciengx byanouq, ndaej sou 300 goenggaen byanouq, haexnaz caeuq byanouq cungj ndaej sou, canjiz gyalai, hawj boubxgunnaz gyalai souhaeuj.

(Lai Genveih/赖建辉)